

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Aningaasaqarnermut tunngasut**

**Imm. 02 Aningaasaqarnermut nalunaarusiaaniit atugarissaanermut  
immikkoortoqarfimmiit 3. Kvartal 2020**

**Imm. 03 Maniitsumi utoqqarnut innarluutilinnullu immikkoortortami iluaqusersuutit  
sillimasuutigisassanik piniarnermut qinnuteqaat.**

**Suliassat nalinnaasut**

**Imm. 04 Qeqqata Kommunia Pitsaaliuinermit Isumaginninnermullu Aqutsisoqarfiup  
akornanni suleqatigiinnissamut isumaqatigiissut**

**Imm. 05 Tamalaat**

Ataatsimiinneq aallartippoq nal. 09:40

*Peqataasut:*

***Atassut***

Anna Karen Hoffmann, Qallunaat Nunaanniit oqarasuaatikkut peqataavoq.

***Siumut***

Hans Frederik Olsen, Formand, Sisimiut

Erik Jensen, Nuumminngaaniit oqarasuaatikkut peqataavoq. Nal. 11:08 matoqqasuni imm. 09 nalaani ataatsimiinnermiit anivoq.

Jakob Olsen, Sisimiut, Juliane Enoksen-imut sinniisoq

***Inuit Ataqaatigiit***

*Nalunaaruteqarlutik peqataannngitsut:*

Juliane Enoksen, Siulittaasup tullia, Sisimiut

Erneeraq Poulsen, Sisimiut

Axel Lund Olsen, Erneeraq Poulsen-imut sinniisoq

*Nalunaaruteqaratik peqataannngitsut*

**Imm. 01 Oqaluuserisassat akuersissutigineri**

**Aalajangiineq**

Akuersissutigineqarput.

### Aningaasaqarnermut tunngasut

#### **Imm. 02 Aningaasaqarnermut nalunaarusiaaniit atugarissaarnermut immikkoortoqarfimmiit 3. Kvartal 2020**

*Journalnr. 06.01.00*

#### Tunuliaqutaq

Ukiup ingerlanerani ingerlatsivinni qaamatit pingasukkaarlugit atuiffiit pingaarnerit qullersaqarfimmit nalunaarusiorneqartassapput. Matumuuna Ilaqtariinnermut immikkoortortamit 2020-imi kvartal nalinnaasumik pingajuannik naanerani nalunaarut saqqummiunneqarpoq.

#### Maleruagassatigut tunngavigisaq

Qeqqata Kommuniani karseqarnermut naatsorsuuteqarnermullu najoqqutassiaq. Aningasaqarneq pillugu nalunaarusiortarneq, missingersuutitigullu malinnaatitsisarnissaq pillugu Qeqqata Kommuniani ilitsersuut.

#### Pissutsit atuuttut

Aningaasaqarnermut takussutissat ataaniittut 2020-mi oktober 09-ani naatsorsorneqartuni kisitsini oqimaaqatigiissitsinermit aallaaveqarput.

Pisortat ataatsimoorussamik naatsorsuuserinermit systemip ataani atuinissaannik kommunit namminersorlutillu oqartussat peqquneqarfigineqarnikuusaannik, ilutsimit annertuumit peqquteqartumik ilinniarnert sulii ingerlanneqarput.

2020-mi kvartalimut tullermut oqimaaqatigiissitsilluni nalunaarusiaq aningasaqarnermut immikkoortortamiit Atugarissaarnermut immikkoortortamut tunngasut ilanngussami takuneqarsinnaapput.

#### Aningaasaqarnikkut allaffissornikkullu kingunerisinaasai

Massakuugallartumut aningaasaqarnermi imaluunniit sulisoqarnermi kinguneqanngilaq. Sulisullu pikkorissartussat amerlapput aamma suliffeqarfinniit aqutsisut, taanna pikkorissarnissaq aningaasaqarnermut aqutsisoqarfik sulii ingerlappaa. Atugarissaarnermut immikkoortortaqaarfik nalilersorpaali sulii aningaasaqarnermut aqutsineq sukatigaq ingerlanneqassasoq immikkoortortaqaarfimmi aamma illorsuup avataani sullissivinni. Aningaasaqarnermut misissuinermi kinguneqarsinnaavoq aningaasanik qaffaanissamik qinnuteqartariaqarnermik utoqqaat illuiniit aamma pisormiit.

#### Allaffeqarfiup naliliinera

Sulianik sullissisut amma ingerlativinni aqutsisut aningaasaqarnermut sumut killinnersoq takusinnangorniartulugu sulii ilinniartinneqarnerat ingerlanneqarpoq. Kommune-imi pisortaanerit aamma aningaasaqarnermut aqutsisoqarfik nalunaarpoq ukioq manna 2020 aningaasanik saqqummeeriatimik pilersitsissalluni, 20221-imilu isertinneqassalluni. Aningaasaqarnerup immikkoortortaqaarfia nalilersortinneqarpoq qanoq immikkoortortaqaarfipput aningaasanik atuisimanera ullumimut killillugu. Nalilersuinerat imaappoq:  
Nalilersuinermi inerniliigallartoq unaavoq, Atugarissaarnermut Immikkoortortaqaarfik aningaasaqarnermut ingerlatinerat pisussaminiippoq procent kisimi qiviarneqarpata, ukua immikkut taaneqartut misissorneqarleruttorput kingunerisinnagaa annertunngitsumik aningaasanik nuussiterinissaq. Oqaaseqaatit sinneri atuarneqarsinnaapput kakkiussami.

**Innersuussut**

Atugarissaarnermut ataatsimiititaliamut akuereqqullugu innersuussutigineqarpoq:

1. Aningaasaqarnermut itisiliinerit tusagassatut tiguneqaqqullugit.

**Aalajangiineq**

Tusaatissatut tiguneqarpoq.

**Ilanngussat**

1. 2kvartal\_ØS\_bemærkninger\_06082020

**Imm. 03 Maniitsumi utoqqarnut innarluutilinnullu immikkoortortami iluaqusersuutit sillimasuutigisassanik piniarnermut qinnuteqaat.**

*Journalnr. 47.13*

Tunuliaqutaq

Inuit innarluutillit pillugit inatsi nutaaq Januaarip aallaqqaataa 2020 atuutilersaq malillugu, ukioqanngitsuniit toqunissaq tikillugu inuit innarluuteqarnertik pillugu iluaqusersuutiniq ikiorserneqarsinnaalerput. Tamanna isumaqarpoq iluaqusersuutit pisariaqartinneqartut aamma amerlanerulernerit.

Maleruagassatigut tunngavissat

Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq § 2. Inuk innarluutilik allat assigalugit inuit pisinnaatitaaffiinik aamma tunngaviusumik kiffaanngissuseqarsinnaatitaanerannik tamaginnik tamakkiisumik ilorrisimaaruteqarsinnaatitaavoq. Inatsisartut inatsisaat manna malillugu tapersiineq pisinnaatitaaffinnik taakkuninnga qulakkeerinneqataassaaq.

*Imm. 2.* Inuup innarluutillip pissusissamisoorumik ataqqinassusaa, inuttut nammineersinnaanera, matumanilu kiffaanngissuseqarluni aalajangiisinnaanera inunnillu allanik attuumassuteqannginnera ataqqillugu, Inatsisartut inatsisaat manna malillugu tapersersuineq pissaaq.

Inuit innarluutillit tapersersorneqarnissaannut Namminersorlutik Oqartussat nalunaarutaat nr. 29, 7. august 2020-meersoq

§ 9. Inummut innarluutilimmut atortorissaarutit pissarsiariniarnerannut kommunalbestyrelse tapersiissaaq, atortutorissaarutit imaappata:

- 1) inuup innarluutillip innarluutaata malitsigisaanut annertuumik iluaqutaasinnaappata,
- 2) inuup ulluinnarni inuuneranut pingaaruteqartumik oqilisaataasinnaappata, imaluunniit
- 3) inuup inuussutissarsiumminik ingerlatsisinnaaneranut pisariaqartinneqarpata.

*Imm. 2.* Inuit innarluuteqanngitsut namminneq inuttut atugassaminnik pissarsiniarnermi ulluinnarnilu inuuniarnermut nalinginnaasumik aningaasartuutaannut annertuumik qaangiisoqassatillugu, atortorissaarutiniq pissarsinissamut taamaallaat tapersiisoqarsinnaavoq.

*Imm. 3.* Atortorissaarutit attartugassanngorlugit tunniunneqarsinnaapput.

§ 10. Inuit innarluutillit atortorissaarutiniq toqqaaneranni kiisalu taakku atornerqarnissaannik kommunalbestyrelsip siunnersortassavai.

*Imm. 2.* Imm. 1 malillugu siunnersuinerminik suliaqarnerminni kommunalbestyrelse Pissassarfimmit - Inunnut Innarluutilinnut Sullissivimmit Nunamut Tamarmut Atuuttumit ilitsersoqqusinnaavoq.

§ 11. § 9 malillugu atortorissaarutit tapiissuteqarfigineqartut, atortorissaarutit atorsinnaanerannut iluarsaassineq allanngutsaaliuinerlu pisariaqartinneqarpata, iluarsaannerannut allanngutsaaliernerannullu aningaasartuutit kommunalbestyrelsip akilertassavai.

*Imm. 2.* Suliat imm. 1-imi pineqartut suliarineqartillugit, atortorissaarutit taarserneqarnissaat aningaasaqarnikkut naleqqunnerunnginnersoq kommunalbestyrelsip nalilersussavaa.

Pissutsit atuuttut

Maanna periuseq imatut ingerlasimavoq, iluaqusersuutiniq sillimasuuteqannginneq peqqutigalugu, innuttaasut iluaqusersuutiniq pisariaqartitsisut qinnuteqarangata, aningaasat annertussusaat aallaavigalugu piginnaatitaaffilimmut qinnuteqaasiornikkut akuersissummik pigaanni aatsaat

piniarnissamik nassiussisoqartarpoq, periuseq tamanna ilaatigut qaammatini marlunni pingasunilu sivilunerusumilluunniit innuttaasumut utaqqisitsisinnaasarpoq.

Taamaattumillu Maniitsumi ulloq 01.08.20 pillorissaasumik atorfinittoqarnera iluatsillugu, innuttaasut atortorissaarutininik pisariaqartitsinerat nalilersorterialugu, iluaqusersuutininik piniagassanik NDO supply suleqatigalugu neqeroorusiortitsivoq.

Iluaqusersuutit aaliangersimasumik inuttalerneqaratik siullertut tikisinneqassapput, innuttaasut pisariaqartitsinerat toqqammavigalugu, iluaqusersuutininik ulluinnarni innuttaasuniit peqqinnissaqarfimmiillu pisariaqartitsineq naapertorlugu innersuunneqarajunnerusunik, iluaqusersuutininik piareersimasunik tunniusseriaannaasoqalissaaq.

Atuiffik.

Atuiffiit	Art	Atuiffiup taaguutaa	Missing	Atuineq	Sinneri	Atuineq %
552040100- 0501045500- 122081100- 010570		Iluaqusersuutit aaliangersimasumik innuttaqanngitsut				

#### Allaffeqarfiup naliliinera

Atugarissaarnermut immikkoortortaqarfik Maniitsoq naliliivoq, Iluaqusersuutit ulluinnarni pisariaqartinneqarnerusartut piniareernerat, innuttaasut piaartumik pisariaqartitsinerat utaqqisitsinngikkaluarluni matussuserneqarsinnaanera, sullissisunut innuttaasumullu oqiliallaataalluassammat qinnuteqaat tapersernartoq.

#### **Innersuussut**

Atugarissaarnermut Immikkoortortaqarfik Maniitsoq Atugarissaarnermut Ataatsimiititaliamut innersuussutigivaa akuereqqullugu

1. Iluaqusersuutininut piniarnissamut aqqutaa ilanngullugu aningasartuutit 114.088,00 koruunit
2. Atuiffik 552040100-0501045500-122081100-010570 atorneqarnissaa

#### **Aalajangiineq**

Akuersissutigineqarpoq. Ataatsimiititaliap eqqaasissutigeqqippaa pisinnginnermi neqeroorutit minnerpaamik assigiinngitsut marluk piniartoqaqqaartarnissaa pisisoqannginnerani.

#### **Ilanngussaq**

1. NDO supplyimiit neqeroorut tilbud 56526

**Suliassat nalinginnaasut**

**Imm. 04 Qeqqata Kommunia Pitsaaliuinnermut Isumaginninnermullu Aqutsisoqarfiup akornanni suleqatigiinnissamut isumaqatigiissut**

*Journalnr. 42.00*

**Tunuliaqutaq**

Ukioq kingulleq juulimi Naalakkersuisut qallunaallu Oqartussaqaarfiisa akornanni suleqatigiinnerup annertusarneqarneranut atatillugu, kalaallit qallunaallu akimortumik suleqatigiissitamik pilersitsisoqarpoq. Meeqqanut inuusuttunullu aarlerinartumik inissisimasunut suliniutinik nukittorsaanissamut, kinguaassiutitigut kanngutsaatsuliornerit akiornissaannut kiisalu nalinginnaasumik sumiginnaanerit pinaveersaartinnissaannut, innersuussutinik aaqqiissutissanillu suliaqarnissamut suleqatigiissitat sulisussaapput.

Suleqatigiissitamit innersuussutit ilagaat, meeqqanut aarlerinartumik inissisimasunut, unnukkut, unnuakkut sapaatillu akunnerata naanerini paarinerlunneqarnissamut, kinguaassiutitigut kanngutsaatsuliorfigineqarnissamut kiisalu sumiginnarneqarnissamut navianartorsiortunut ornittakkamik pilersitsinissaq.

Meeqqanut 18-it inorlugit ukiulinnut unnukkut unnuakkullu, pingaartumik akissarsiffiup kingorna sapaatip akunnerata naanerani toqqissisimaffiusinnaasumik ornittakkamik qulakkeerinissaq siunertaavoq, tassani meeqqat nerinissamut, unnuisarnissamut, inersimasunik oqaloqatiginninnissamut kiisalu isumassorneqarnissamut periarfissinneqarlutik. Ornittagaq meeqqanut unnukkut unnuakkullu sumiiffissaqanngitsunut qimarnguiviussaaq, ornittagarli ”sunngiffimmi klubbiulissanngilaq”, soorluttaaq angajoqqaanut akisussaaffimminik immiiniginniffissatut atuutilinngisaannassalluni.

Ornittakkami sulisut meeqqanut saaffiginnittunut ikiuunnissaminnut pisussaaffeqassapput, soorluttaaq siumut innersuussisoqqaartinnagu, meeqqat tamarmik ornittagamukarsinnaassallutik.

Suleqatigiinnissamut isumaqatigiissut naapertorlugu, ornittakkap sumi inissinneqarnissaanut kommuni nammineq aalajangiisussaammat, ornittagaq Sunngiffimmi ornittakkami Naasoq-mi inissinneqassasoq Qeqqata Kommunianit aalajangerneqarpoq. Piumasaqaataavoq, ornittagaq siniffiusinnaasumik atugassaqaartitsissasoq, matumani madrasit, qipit akitsillu ilanngullugit, taamaalillutik meeqqat unnuisinnaassallutik.

Ornittagaq akissarsiffiup nalaani unnukkut unnuakkullu nal. 20-miit nal. 10 tikillugu ammasassaaq, annertunerusumik pisariaqaartitsisoqarneranik kommuni naliliippat kiisalu kommuni aningaasaqarnikkut tapiissuteqarpat, ammasarfiit annertusineqarsinnaapput.

Ornittakkap ammanerani minnerpaamik aalajangersimasunik marlunnik sulisoqartitsissaaq, taakkulu ornittakkap ammanerani nakkutiginnittussaallutik. Sulisut sakkortusisamik nalunaarutiginnittussaataapput, ima paasillugu, meeqqat tamarmik ornittakkamut saaffiginnittunut, inatsit naapertorlugu kommunimut nalunaarusiortassallutik.

Qeqqata Kommuniani Ilinniartitaanermit immikkoortorta q kiisalu Aningaasaqarnermut immikkoortorta, sulisunik meeqqanik sullissinnermut tunngasunik tunuliaqutilinnik kiisalu meeqqanik pinerliisimanginnermut uppernasaatilinnik atorfinitsitsinissamut akisussaasuupput. Tamatuma saniatigut aalajangersimasumik sulisut saniatigut, namminneq kajumissutsiminnik sulerusuttumik atuinissamut kommuni periarfissaqarpoq, sulisoqarnerli nammineq kajumissutsimik

taamaallaat ingerlanneqarsinnaanngilaq, ima paasillugu sulisunut aalajangersimasunut nammineq kajumissutsimik sulisut paarlattaasinnaanatiluu paarlaasinnaanngillat.

Suliamut tapersorneqarnissamut ilitersorneqarnissamullu sulisut aammalu namminneq kajumissutsiminnik sulisut, ammasarfiup avataatigut isumaginninnermut pigaartumut imaluunniit Aqutsisoqarfiup Qitiusumik Siunnersuisoqarfianut aammalu/imaluunniit nalinginnaasumik ammasarfiup nalaani isumaginnittoqarfimmut saaffiginnissinnaapput.

#### Maleruagassatigut tunngavigisaaq

Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq

#### Pissutsit atuuttut

Innuttaasunik misissuinerup kingulliup takutippaa, 1995-imi inunngortut pingajorararterutaat (37%) angerlarsimaffimmi imigassamik ajornartorsiorfiusumi peroriartortut, 20 procentiilu ukiumi tassani inunngorsimasut atornerlunneqarnermik misigisaqarsimasut. Siusinnerusukkut innuttaasunik misissuisarnerit takutippaat, meeraatilluni atugarisat oqimaatsut aamma inuunermi kingusinnerusukkut imminut toqunnissamik eqqarsarnerit akornanni ataqatigiittoqartoq paasineqarnikuuvoq. Imminut toqunnissamut eqqarsaateqartarnek angerlarsimaffimmi imigassamik ajornartorsiuteqarfiusumeernerusarnerat malunnarpoq, taakkunanilu atornerlunneqarnerit aamma takussaasarlutik.

Naak innuttaasunik misissuinikkut inunnik angerlarsimaffimmi imigassamik ajornartorsiorfimiittarnerinit kisitsisit appariaateqaraluartut, meeqqat toqqissisimasumik pitsaasumillu peroriartornissaannik qulakkeeriniarluni, siusissukkut iliuseqartarnerit suliat akimorlugillu iliuseqartarnerit ineriartornissamut pingaarutilerujussuupput.

#### Atuilluartaunissakkut kingunerisinnaasai

Ornittakkatigut nutaatigut piffissami aarlerinartumik inissisimaffigisassaraluarminni, meeqqat toqqissillutik siniffissaqalissapput, inersimasumik oqaloqatiginnissinnaalissapput imaluunniit isumassorneqarsinnaalissapput aammalu neriffissaqarnissamik periarfissaqassallutik.

Angerlarsimaffimmi pisut oqimaassinnaasut, ilaatigut persuttaanerit kinguaassiutitigullu atornerluinerit, inersimasunnugulernermi annertuumik kinguneqarsinnaasut, taamaaliornikkut pinaveersaartinneqarsinnaapput. Meeqqat ornittakkanut saaffiginninnikkut ikiorserneqarsinnaanissaat aallartinneqassaaq, siullermik ornittakkami sulisunit isumaginnittoqarfimmut nalunaaruteqarnikkut, tamatumalu kingorna meeqqanik ataasiakkaanik malinnaaviginnittoqarluni. Tamanna pitsaanngitsumik uteqqiasunik kipititsinermut aallarniutaasinnaavoq, tassa meeqqat sumiginnagaasut aanngajaarniutinik atornerluisunnorsinnaallutik, meeqqaminnillu namminneq sumiginnaallutik.

#### Aningaasaqarnikkut allaffissornikkullu kingunerisinaasai

2021-miit 2023-mut kommunimut ataatsimut ukiumut 480.000 koruunit immikkoortinneqarsimapput, taakkua siullertut ornittakkap ammanerani sulisunut minnerpaamik marlunnut akissarsititsisarnermut, aammalu pilersaarusionermut piareersaanermullu atorneqassallutik.

#### Allaffeqarfiup naliliinera

Allaffeqarfik naliliivoq, ornittakkat meeqqanut akissarsiffiit nalaanni toqqissisimaffissaaleqisartunut iluaqutaassapput. Meeqqanut assigiinngitsutigit pisunut oqimaassaarfiusuniittussaagaluartunut, ornittakkat toqqissisimanartumik sinaakkusiissapput, meeqqanullu ornittakkamut qimarngunnerminnut tunuliaqutaasunik inersimasunut oqaloqatiginninnissaminnut periarfissiillutik.



**Innersuussut**

Atugarissaarnermut immikkoortortap Atugarissaarnermut ataatsimiititaliamut innersuussutigaa,  
- Suleqatigiinnissamik isumaqatigiissut paasissutissiissut tiguneqassasoq

**Aalajangiineq**

Tusaatissatut tiguneqarpoq Kommunalbestyrelse-mullu paasissutissiissutitut  
ingerlateqqinneqassaaq.

**Ilanngussat**

1. Qeqqata Kommunian Pitsaaliuinermit Isumaginninnermullu Aqutsisoqarfiup akornanni  
suleqatigiinnissamut isumaqatigiissut

**Imm. 05 Tamalaat**

Anna Karen Hoffmann apeqquteqarpoq Kangerlussuarmi socialr dgiver-imik atorfinittussaq qanoq ingerlanersoq. Pisortaanerup akissuteqarfigaa atorfinittoq ullut marluk qaangiuppata Kangerlussuarmut tikissasoq.

Maniitsumi ataatsimiititaliaq naapinnissaa covid19 peqqutaalluni kinguartinneqarnikuusoq qaqugu pissanersoq. Tamanna ataatsimiititaliap uterfigeqqissavaa.